

# P R A V I L N I K

## SMOTRE SPOSOBNOSTI, ZNANJA, STVARALAŠTVA I SPORTA UČENIKA OSNOVNIH I SREDNJIH ŠKOLA UNSKO-SANSKOG KANTONA

### I OPĆE ODREDBE

#### Član 1

Smotra sposobnosti, znanja, stvaralaštva i sporta učenika osnovnih i srednjih škola u Unsko-sanskog kantona identificira, afirmira i promovira rad učenika, nastavnika, roditelja, odgojno-obrazovnih institucija, osnivača, lokalne zajednice, nevladinih udruženja i organizacija i svih drugih neposredno ili posredno uključenih u odgoj i obrazovanje u Unsko-sanskom kantonu.

Smotra sposobnosti, znanja, stvaralaštva i sporta učenika osnovnih i srednjih škola u Unsko-sanskog kantona ima snažnu funkciju rane detekcije i integracije djece s posebnim potrebama.

#### Član 2

Smotru sposobnosti, znanja, stvaralaštva i sporta učenika osnovnih i srednjih škola u US-kantonu organizira i provodi JU Pedagoški zavod Unsko-sanskog kantona u suradnji s osnovnim i srednjim školama Unsko-sanskog kantona, Sportskog saveza Unsko-sanskog knatona i Ministarstva obrazovanja, nauke, kulture i sporta Unsko-sanskog kantona.

#### Član 3

Natjecateljske skupine smotre sposobnosti, znanja, stvaralaštva i sporta Unsko-sanskog kantona predstavljaju učenici Unsko-sanskog kantona iz:

- a) osnovnih škola,
- b) srednjih škola.

#### Član 4

Smotra sposobnosti, znanja, stvaralaštva i sporta učenika osnovnih i srednjih škola u US-kantonu provodi se na:

- a) školskon nivou,
- b) općinskom nivou,
- c) kantonalnom nivou,
- d) federalnom nivou,
- e) državnom i
- f) međunarodnom nivou.

## Član 5.

Za provođenje smotre sposobnosti, znanja, stvaralaštva i sporta učenika osnovnih i srednjih škola u US- kantonu za svaku školsku godinu imenuju se kantonalni organizacioni odbori:

- a) organizacioni odbor za osnovnu školu,
- b) organizacioni odbor za srednju školu.

Kantonalne organizacione odbore imenuju aktivni direktori osnovnih i srednjih škola u suradnji s JU Pedagoški zavod Unsko-sanskog kantona, Ministarstvom obrazovanja, nauke, kulture i sporta Unsko-sanskog kantona i Sportskim savezom Unsko-sanskog kantona.

Kantonalne organizacione odbore smotre čine: predstavnici općinskih aktiva direktora (8), predstavnici JU Pedagoški zavod USK-a (2), predstavnik Ministarstva obrazovanja, nauke, kulture i sporta USK-a (1) i predstavnik Sportskog saveza USK-a (1).

Kantonalni organizacioni odbor smotre vrši izbor i imenuje komisije, radna tijela, žirije i ostala tijela po potrebi i procjeni organizacionog odbora u cilju dobrog provođenja Smotre sposobnosti, znanja, stvaralaštva i sporta učenika osnovnih i srednjih škola u US- kantonu.

## II PODRUČJA SMOTRE

### Član 6

Smotra sposobnosti, znanja, stvaralaštva i sporta Unsko-sanskog kantona obuhvata područja:

- a) znanstvene pismenosti,
- b) matematičke pismenosti,
- c) čitalačke pismenosti,
- d) tehničkog stvaralaštva,
- e) kulturno-umjetničkog stvaralaštva,
- f) područje sporta.

Obuhvat smotre iz stava 1 ovog člana (tačke a - f ) analitički precizira kantonalni organizacioni odbor za svaku školsku godinu posebno.

### Član 7.

Područje prioriteta za školsku godinu u kojoj se provodi Smotra sposobnosti, znanja, stvaralaštva i sporta učenika osnovnih i srednjih škola u US- kantonu određuje kantonalni organizacioni odbor smotre.

### Član 8.

Plasman na prvo, drugo i treće mjesto s prethodnog nivoa smotre sposobnosti, znanja, stvaralaštva i sporta učenika osnovnih i srednjih škola u US- kantonu omogućuje učesnicima učestvovanje na narednom nivou smotre.

Plasman na prethodnom nivou kao uslov učestvovanja na narednom nivou odnosi se na sva područja takmičenja smotre sposobnosti, znanja, stvaralaštva i sporta navedena u članu 6. ovog Pravilnika.

### III KALENDAR SMOTRE

#### Član 9.

Kantonalni organizacioni odbor Smotre sposobnosti, znanja, stvaralaštva i sporta učenika osnovnih i srednjih škola u US- kantonu na prvom konstituirajućem sastanku razmatra i usvaja kalendar organizacije i provođenja Smotre sposobnosti, znanja, stvaralaštva i sporta učenika osnovnih i srednjih škola u US-kantona.

Kalendar Smotre sposobnosti, znanja, stvaralaštva i sporta učenika osnovnih i srednjih škola u US- kantonu sadrži: programe, termine, mjesto održavanja, konkretna zaduženja i ostali podaci koje precizira organizacioni odbor smotre.

#### Član 10.

Na prvoj konstituirajućoj sjednici Kantonalnog organizacionog odbora Smotre sposobnosti, znanja, stvaralaštva i sporta učenika osnovnih i srednjih škola u US- kantonu određuju se škole domaćini završne kantonalne smotre i to:

- škola domaćin iz reda osnovnih škola u US-kantona,
- škola domaćin iz reda srednjih škola u US-kantonu.

### IV JAVNOST U RADU SMOTRE

#### Član 11.

Na prvoj sjednici aktiva direktora na kojoj se bira organizacioni odbor podnosi se informacija o provedenoj Smotri sposobnosti, znanja, stvaralaštva i sporta učenika osnovnih i srednjih škola u US- kantonu za proteklu godinu.

Informaciju iz stava 4 ovog člana podnosi direktor JU Pedagoški zavod Unsko-sanskog kantona.

Kompletna informacija o provedenoj Smotri sposobnosti, znanja, stvaralaštva i sporta učenika osnovnih i srednjih škola u US- kantona postavlja se na veb-sajt JU Pedagoški zavod US-kantona.

Informacija o Smotri sposobnosti, znanja, stvaralaštva i sporta učenika osnovnih i srednjih škola u US- kantona u pisanoj formi dostavlja se svim osnovnim i srednjim školama u US-kantona.

Informacija o Smotri sposobnosti, znanja, stvaralaštva i sporta učenika osnovnih i srednjih škola u US- kantona dostavlja se Ministarstvu obrazovanja, nauke, kulture i sporta US-kantona.

Informacija o Smotri sposobnosti, znanja, stvaralaštva i sporta učenika osnovnih i srednjih škola u US- kantona dostavlja se sredstvima informiranja u US-kantonu.

#### Član 12.

Škola i pojedinac koji učestvuje u smotri ima pravo zahtijevati i dobiti na uvid testove i druge materijale smotre, ako je nezadovoljan plasmanom ili postoji sumnja u regularnost porovođenja procedure, objavljenog rezultata ili bilo kojeg drugog postupka u provođenju smotre.

#### Član 13.

Sredstva informiranja i medija imaju pravo na blagovremenu informaciju o smotri, provođenju smotre, ostvarenim rezultatima i svim okolnostima provođenja Smotre sposobnosti, znanja, stvaralaštva i sporta učenika osnovnih i srednjih škola u US- kantona.

#### Član 14.

Kalendar provođenja Smotre sposobnosti, znanja, stvaralaštva i sporta učenika osnovnih i srednjih škola u US- kantona za tekuću godinu, koji je definirao kantonalni organizacioni odbor, javna je informacija.

Kalendar Smotre sposobnosti, znanja, stvaralaštva i sporta učenika osnovnih i srednjih škola u US- kantona postavlja se na web-sajt JU Pedagoški zavod US-kantona.

Kalendar Smotre sposobnosti, znanja, stvaralaštva i sporta učenika osnovnih i srednjih škola u US- kantona u pisanoj formi dostavlja se svim osnovnim i srednjim školama u US-kantona.

Kalendar Smotre sposobnosti, znanja, stvaralaštva i sporta učenika osnovnih i srednjih škola u US- kantona dostavlja se Ministarstvu obrazovanja, nauke, kulture i sporta US-kantona.

Kalendar Smotre sposobnosti, znanja, stvaralaštva i sporta učenika osnovnih i srednjih škola u US- kantona dostavlja se sredstvima informiranja u US-kantonu.

### V PROPOZICIJE PROVOĐENJA SMOTRE

#### Član 15.

Škole US-kantona imaju obavezu i pravo sudjelovati na Smotri sposobnosti, znanja, stvaralaštva i sporta učenika osnovnih i srednjih škola u US- kantona.

#### Član 16.

Škole US-kantona samostalno provode školsko takmičenje, kao naznačajniji nivo Smotre sposobnosti, znanja, stvaralaštva i sporta učenika osnovnih i srednjih škola u US- kantona.

Pravo je svih učenika škole da sudjeluju u Smotri sposobnosti, znanja, stvaralaštva i sporta učenika osnovnih i srednjih škola u US- kantona.

#### Član 17.

Školsku Smotru sposobnosti, znanja, stvaralaštva i sporta učenika osnovnih i srednjih škola u US- kantonu provodi školski organizacioni odbor.

#### Član 18.

Školski organizacioni odbor Smotre sposobnosti, znanja, stvaralaštva i sporta učenika osnovnih i srednjih škola u US- kantonu broji pet članova.

Strukturu školskog organizacionog odbora čine nastavnici razredne i predmetne nastave, stručni saradnici škole, predstavnici roditelja i predstavnici lokalne zajednice.

Članove iz reda nastavnika ( razredna i predmetna nastava) bira nastavničko vijeće škole.

Člana iz reda stručnih saradnika bira direktor škole.

Člana iz reda roditelja bira Savjet roditelja.

Člana iz reda lokalne zajednice bira Savjet lokalne samouprave.

#### Član 19.

Osnovne i srednje škole US-kantona obavezne su JU PZ USK-a dostaviti analizu provedene školske organizacije Smotre sposobnosti, znanja, stvaralaštva i sporta učenika osnovnih i srednjih škola u US- kantona.

#### Član 20.

Analize iz člana 19. ovog Pravilnika škole dostavljaju na posebnim obrascima koje uređuje i dostavlja školama Pedagoški zavod prije organizacije školskog nivoa Smotre sposobnosti, znanja, stvaralaštva i sporta učenika osnovnih i srednjih škola u US- kantona.

#### Član 21.

Analiza o provedenom školskom takmičenju radi se u tri primjerka gdje se jedan primjerak analize dostavlja JU PZ US-kantona, jedan općinskom odboru za provođenje Smotre sposobnosti, znanja, stvaralaštva i sporta učenika osnovnih i srednjih škola u US- kantona te jedan primjerak analize u arhiv škole.

#### Član 22.

Općinski nivo Smotre sposobnosti, znanja, stvaralaštva i sporta učenika osnovnih i srednjih škola u US- kantona organizira i provodi općinski organizacioni odbor.

Općinski organizacioni odbor osnovnih škola čine po dva predstavnika svake škole (iz reda nastavnika, reda roditelja) koje kandidira škola, a potvrđuje aktiv direktora osnovnih škola.

Općinski organizacioni odbor srednjih škola čine po dva predstavnika svake škole (iz reda nastavnika, reda roditelja) koje kandidira škola, a potvrđuje aktiv direktora srednjih škola.

U radu općinskog organizacionog odbora smotre osnovnih i srednjih škola sudjeluje i predstavnik lokalne samouprave koje kandidira odgovarajuća služba lokalne samouprave na zahtjev općinskog organizacionog odbora Smotre sposobnosti, znanja, stvaralaštva i sporta učenika osnovnih i srednjih škola u US- kantona.

#### Član 23.

Osnovne i srednje škole US-kantona obavezne su JU PZ USK-a dostaviti analizu provedene općinske organizacije Smotre sposobnosti, znanja, stvaralaštva i sporta učenika osnovnih i srednjih škola u US- kantona.

#### Član 24.

Analize iz člana 23. ovog Pravilnika škole dostavljaju na posebnim obrascima koje uređuje i dostavlja školama Pedagoški zavod prije organizacije općinskog nivoa Smotre sposobnosti, znanja, stvaralaštva i sporta učenika osnovnih i srednjih škola u US- kantona.

#### Član 25.

Analiza o provedenom općinskom takmičenju radi se u tri primjerka gdje se jedan primjerak analize dostavlja JU PZ US-kantona, jedan kantonalnom odboru za provođenje Smotre sposobnosti, znanja, stvaralaštva i sporta učenika osnovnih i srednjih škola u US- kantona te jedan primjerak analize u arhive škola.

#### Član 26.

Kantonalni odbor u strukturi kako je to definirano članom 5. ovog Pravilnika Smotre sposobnosti, znanja, stvaralaštva i sporta učenika osnovnih i srednjih škola u US- kantona organizira i provodi sve ostale nivoe smotre.

Član 27.

Obim i stepen provođenja Smotre sposobnosti, znanja, stvaralaštva i sporta učenika osnovnih i srednjih škola USK-a na kantonalnom nivou i svim ostalim narednim nivoima u direktnoj je vezi s raspoloživim sredstvima JU PZ USK-a koje Osnivač odobri budžetom za tu svrhu.

Član 28.

Učešće i rezultati učenika, nastavnika i škole na Smotri sposobnosti, znanja, stvaralaštva i sporta učenika osnovnih i srednjih škola USK-a ulaze u ocjenu ukupne uspješnosti učenika, nastavnika i škole na način i u mjeri kako je to propisano pravilnicima koji se odnose na napredovanje učenika, nastavnika i škola i koje donosi Ministar obrazovanja, nauke, kulture i sporta US-kantona.

Član 29.

Kantonalni organizacioni odbor mjerodavan je da rješava sve primjedbe i predstavke svih učesnika Smotre sposobnosti, znanja, stvaralaštva i sporta učenika osnovnih i srednjih škola USK-a na svim nivoima smotre.

Član 30.

Pravilnik smotre sposobnosti, znanja, stvaralaštva i sporta učenika osnovnih i srednjih škola Unsko-sanskog kantona donosi UO JU PZ USK-a

Član 31.

Pravilnik smotre sposobnosti, znanja, stvaralaštva i sporta učenika osnovnih i srednjih škola Unsko-sanskog kantona stupa na snagu danom donošenja.

Član 32.

Pravilnik smotre sposobnosti, znanja, stvaralaštva i sporta učenika osnovnih i srednjih škola Unsko-sanskog kantona JU PZ USK-a, nakon donošenja, dostavlja se svim osnovnim i srednjim školama Unsko-sanskog kantona, službi opće uprave i društvene djelatnosti općina USK-a i Ministarstvu obrazovanja, nauke, kulture i sporta US-kantona.

Broj: .....

Datum:.....

Predsjednik UO JU PZ USK-a

.....  
Haurdić Senad, prof.